

victores existierunt, et propter verbum, id est do-  
ctrinam quam testificatus est in catholica fide, que  
etiam ab illo verbo se extendit, per quod omnes  
creatura processerunt, nec dilexerunt animas suas  
eas in corporibus suis retinentes, sed ad mortem  
corporum suorum præcedere fecerunt, cum corpora  
sua temporali morti in plurimis passionibus subje-  
cerunt, ubi et eadem animas suas omnipotenti Deo  
reddiderunt. Martyres enim usque ad mortem cu-  
currentr, et priusquam Filium Dei negarent pas-  
sionibus se subjecerunt, et ideo etiam Abel, et  
prophetæ, castique martyres qui usque in no-  
vissimum diem pro Deo occisi sunt, testimonium  
Filio Dei perhibent, quod etiam ipse in voluntate  
Patris sanguinem suum pro ipsis fuderit. Itaque  
bellum filii perditionis hoc modo finitum est, nec  
ipse deinceps in ulla cultura apparebit. Unde gau-  
dete, qui in cœlo et in terra habitationem habetis.  
Post easum autem Antichristi gloria Filii Dei am-  
plificabitur.

*Epidogae libri ipsius, in quo pro opere suo, scilicet  
pro reparacione hominis, Deo laus caelesti voce ex-  
solvitur, et opusculum istud cum auctore suo ei-  
dem Deo et fideliis ejus studiose commendatur.*

XXXVII. Et iterum de cœlo vocem verba ista  
me doceantem audivi: Nunc laus Deo sit in opere  
suo, homine videlicet, pro cuius reparatione maxi-  
ma prælia in terra fecit, quemque super cœlos ele-  
vare dignata est, ut simul cum angelis faciem ipsius  
in unitate illa qua verus Deus et homo est lau-  
det. Sed ipse omnipotens Deus pauperculam fe-  
mineam formam per quam hanc scripturam edidit,  
oleo misericordiae suæ ungere dignetur, quoniam  
ipsa absque omni securitate vivit, nec etiam scien-  
tiam rediutionis Scripturarum, quas Spiritus san-  
ctus ad instructionem Ecclesie proposuit, et quæ  
velut murus magna civitatis sunt habet. A die  
enim nativitatis suæ in doloribus infirmatum, quasi  
reli illaqueata est, ita ut in omnibus venis, medullis  
et carnibus suis, continuis doloribus vexetur,  
nec dum tamen eam dissolvi Domino placuit, quo-  
niam per cavernam rationalis animæ quedam my-  
stica Dei spiritualiter videt. Hæc autem visio venas

A ejusdem hominis ita pertransivit, ut ipsa propter  
eam multa fatigatione sape commoveatur, aliquo  
tanien tempore levius, aliquo depresso, in fatiga-  
tione infirmitatis laborans. Unde etiam mores a  
diversis moribus hominum alienos habet, quemad-  
modum infans, cojus vena non dum ita plenæ sunt,  
quatenus mores hominum discernere possit. Ipsa  
enim cum inspiratione Spiritus sancti officialis ex-  
istit, et complexionem de aere habet; ideoque de  
ipso aere, de pluvia, de vento, et de omni tempesta-  
te infirmitas ei ita insixa est, ut nequaquam secu-  
ritatem carnis in se habere possit, alioquin inspira-  
ratio Spiritus saucti in ea habitare non valeret. Sed  
Spiritus Dei magna vi pietatis suæ ea interdum  
ab hac infirmitate quasi rore cuiusdam refrigerij  
a morte suscitat, quatenus officialis cum inspira-  
tione Spiritus sancti in sæculo vivere possit. Omni-  
potens autem Deus, qui omnem fatigationem pas-  
sionis ejusdem hominis veraciter cognovit, gratiam  
suam in ipsa ita perficere dignetur, ut pietas ejus  
in hoc glorificetur, et illius anima cum de hoc  
sæculo migraverit ad æternam gloriam ab eo cle-  
menter suscipi et coronari gaudeat. Sed liber vita,  
qui scriptura Verbi Dei est, per quod omnis crea-  
tura apparuit, et quod omnium vitam secundum  
voluntatem æterni Patris velut in se præordinave-  
rat, exspiravit, hanc scripturam per nullam doctri-  
nani humanæ scientiæ, sed per simplicem et in-  
dictam femineam formam ut sibi placuit mirabili-  
ter edidit. Unde nullus hominum tam audax sit, ut  
verbis hujus scripturæ aliquid augendo apponat,  
vel minuendo auferat, ne de libro vita, et de omni  
beatitudine quæ sub sole est delectatur, nisi pro-  
pter excrivationem litterarum, aut dictionum,  
quæ per inspirationem Spiritus sancti simpliciter  
prolata sunt, fiat. Qui autem aliter præsumperit,  
in Spiritum sanctum peccat. Unde nec hic nec in  
futuro sæculo illi remittetur. Nunc iterum laus sit  
omnipotenti Deo in omnibus operibus suis ante  
ævum, et in ævum, quia ipse primus et novissimus  
est. Verba autem haec fideles devoto cordis affectu  
percipient, quoniam per illum, qui primus et no-  
vissimus est, ad utilitatem credentium edita sunt.

## TRIGINTA OCTO QUÆSTIONUM SOLUTIONES

Petrus Wiberto monacho Gembiacensi per sanctam Hildegardem ad ipsum trans-  
missæ.

(Bibliotheca Patrum ed. Lugdun., t. XXIII, p. 583.)

WIBERTUS MONACHUS HILDEGARDI.  
Matri sanctissima HILDEGARDI, WIBERTUS.  
Gaudium quod de visione et collatione tua, cum  
abbe nostro tempore Quadragesimæ, ad te pro-

D sciscendo, divinitus mihi induitum credideram, ad  
tempus quidem invidia, ut putò, diaboli subla-  
tum est. Nam cum Coloniam usque processissemus,  
ter nostrum impidente Satana, et per iniquas car-

naliūm propinquorūm suorūm suggestiones proposūtūm abbatis ad te protendendi conturbante, ulterius destitimus. Sed spero quia quod ablatum mibi dulceo, opportuniori tempore, remotis omnibus impedimentis, gratia mibi divina restituat. Interim tamen de questionib[us] illis, quas per me fratres Villarenses ad te solvendas mittebant, quasque ego revocatus ab itinere, tibi perferendas, dilecto mibi Baldo commisi, quid actum sit, velenenter scire cupio, utrum videlicet, necne ad te pervenerint. Quod si pervenerunt, obsecra nos omnes, nostra partis amici tui in spiritu, tuis affusi pedibus, ut mare solutionis carum fiducialiter ingrediens, auræ Spiritus sancti vela committere non pertimescas, tali duce freta sine difficultate, placido portu mox adlapsura. De quibus etiam precor, ut cum prescriptis litteris Villarensium et nostris solutionibus earum prescribas, ut alteræ ex alteris gratiore fluant, et clarius eluescant.

## RESPONSUM HILDEGARDIS.

Charitas, quæ cum abstinentia peccatorum fidem instituit et castitatem cum patientia ædificat, columne quæ qualior partes domus sustinet, similis est. Ipsa enim charitas plantaverat hortum valde gloriosum cum pretiosissimis aromatibus et nobilissimis floribus, rosis et aliis, qui suavissimum odorem spirabant, in quibus verus Salomon oculos suos pascere solebat. Hortus iste virtutes sanctas designat, quas Deus, qui vera charitas est, in virga Jesse operatus est, Maria videlicet, quæ in castitate floruit, et nobillissimum florem protulit. De flore ista vox turris audita est (*Cant. ii.*), quæ virginalem naturam vocavit, quam lillum significat, quod in suo stipite candidos flores, cum fragrantia gravissimi odoris emittit. Sicut et ipsa virginitas proprie dulcissimum odorem bonæ intentionis in mundo honoratur. Eremitæ quoque sive monachi, qui propter Christum sæculo renuntiaverunt sine societate sæcularis pompæ vivere debent, sicut virgo post votum sine memoria viri; quia virgines et monachi inter angelicos ordines idem sunt; quoniam sicut angeli nihil aliud quam faciem Dei inspicere desiderant, sic et ipsi omnibus pompis sæcularibus abjecti, Agnum Dei, Christum scilicet, crucem ejus bajulaute, sequuntur, in quibus propter verum contemptum sæculi rutilantes flores passionis Dominicæ generant. Nunc, o fili Dei, in valle veræ humilitatis positus, in quiete ambula sine clatione quæ præcipiti monti assimilata, difficilem, et velut impossibilem ascensum vel descensum præbet initentibus, et in cuius summittate nullum ædificium patet. Homo enim qui tentat altius descendere quam possit pervenire, ille nomen sanctitatis absque securitate possidet; quia solo nomine sine ædificio bonorum operum et quadam inepta lætitia mentis gloriatur. Tu enim gloriostissimum hortum quem charitas plantavit, aspice, et unamquamque virtutem in vera humilitate et simplicitate cordis ad te collige; et licet inter varias hominum mentes con-

A statutus sis, disce tamen quoniam longanimitas et patienter omnes nos divina bonitas tolerat. Fuge etiam inconstantiam pigri servi, qui hodie uni domino, cras alteri servit; et gladio verbi Dei viriliter accingere, exemplo fortis sanctorum militum, qui locutum veri Salomonis ambientes custodiunt (*Cant. iii.*). Mentis quoque tuæ sinceritatem cum vigilantibus oculis Deo omnipotenti, ne in dubio dormire incipias, iterum atque iterum commenda. Et esto probus et dilectus miles veri Salomonis, quem pro Victoria quotidiane pugnæ diligit et coronat. Spiritus sanctus igne sui amoris te accendat, ut in amore servitii sui indeficiens perseveres, quatenus virtus lapis caelestis Jerusalem quandoque fieri merearis.

## QUESTIO I.

**B** Quomodo intelligendum est quod legitur: « Qui vivit in æternum, creavit omnia simul (*Eccli. xviii.*), cum per sex dies opera sua Deus distribuisse reperatur? (*Gen. i.*)

## SOLUTIO.

Omnipotens Deus, qui sine initio et sine fine vita est, et qui omnia in scientia sua æternaliter habet, materialiun omnium caelestium et terrestrium simul creavit, eolum scilicet, lucidam materiam, et terram, quæ turbulentia materia erat. Ista vero lucida materia, de claritate quæ æternitas est, sicut spissa lux fulminabat, quæ etiam super turbulentia materia lucebat, ita quodrei a luncta erat: et istæ duas materiæ simul creatæ sunt, ut unus círculus apparet. In primo namque *Fiat*, angeli de predicta lucida materia cum eorum habitaculo processerunt; et quia Deus, Deus et homo est, ad faciem Patris angelos creavit: et hominem, de quo tunica induens erat, ad imaginem et similitudinem suam formavit: sic quoque ad imperium omnipotentis Dei, cum diceret: *Fiat*, qualibet creatura de turbulentia materia secundum speciem nature suæ apparuit. Sex enim dies, sex opera sunt; quia incepit et completio singuli cujusque operis, dies dicitur. Post creationem etiam primæ materiæ nulla mora fuit; sed mox quasi in iectu oculi, *Spiritus Domini* serrebatur super aquas, nec etiam postea mora aliqua erat; sed Deus illico dixit: *Fiat lux* (*Gen. i.*).

## QUESTIO II.

**D** Quid est quod scriptum est: « Divisit Deus aquas, quæ erant sub firmamento, ab his quæ erant super firmamentum? » (*Gen. i.*) Nunquid credendum est materiales aquas super firmamentum esse?

## SOLUTIO.

Deus aquas quæ super firmamentum erant, ab his quæ sub firmamento erant, ideo divisit, ut sicut inferiores aquæ terrenis constitutionibus adessent, ita etiam et superiores aquæ superioribus constitutionibus adessent. In aquis enim superioribus nihil est quod crescat aut deficiat, sicut in istis inferioribus aquis, in quibus quidquid vivit, hoc quemadmodum bone crescit et deficit. Sed illæ superiores aquæ in primo statu suo sicut Deus eas constituit, persistunt, et in circulo suo fluunt, et male-

riales sunt, non tamen ut aquæ inferiores, quoniam A multo subtiliores, et nosiris visibus omnino invisibles existunt, quarum humiditate et ignis ibi existantis calore, desuper firmamentum solidatur, velut corpus per animam subsistit, ne dissolvatur. Aquæ vero inferiores istæ de sub firmamento grossiores, speculum sunt cœlestium luminarium, solis scilicet, lunæ et stellarum, quæ infinita diversarum specierum animalia continent, quæ in eis nascentur et subsistunt; idenque officia superiorum et inferiorum aquarum in cunctis dissimilia sunt.

## QUÆSTIO III.

*Antequam primus homo peccaret, videbat ipse corporeis oculis Deum, vel visuri sumus nos eum corporeis oculis, cum secundum Apostolum (I Cor. xv), corpora spiritualia in resurrectione receiverimus?*

## SOLUTIO.

In resurrectione cum bono corpus spiritale reperit, et cum idem corpus animæ inseparabiliter unitum fuerit, splendidam faciem sanctæ Divinitatis cum angelis sine fine intuebitur. Adam namque, qui ha sapiens et perfectus a Deo formatus erat, quod scientia et sapientia super omnes homines repletus fuit, Deum in divinitate sua, sicuti est, nunquam videbat; sed quando claritatem de vultu ejus procedentem, exterioribus oculis vidit, in qua verum Deum esse veraciter cognovit. Sicut enim ante peccatum cum adhuc anima ipsius corpori suo dominaretur, oculis suis, qui per innocentiam tunc spirituales fuerunt, prædictam claritatem inspexit, quod postea facere non potuit, quia visionem istam in paradyso post peccatum statim perdidit, cum oculi ejus in prævaricatione præcepti Dei, quod ante cognovit, per carnale desiderium aperti sunt.

## QUÆSTIO IV.

*Quo genere locutionis nusus est Deus, et in qua specie primo homini apparuit, cum præceptum ei dedit, et in qua, cum post peccatum in paradyso deambulavit? (Gen. ii, iii.)*

## SOLUTIO.

Omnipotens Deus angelicis verbis Adæ vocatus est, quæ ipse bene cognovit et intellexit. Per sapientiam enim suam quam a Deo accepérat, et per spiritum prophetarum omnes linguas, quæ per homines postmodum inventæ sunt, tunc in scientia sua habuit, ac naturas omnium creaturarum ad plenum novit. Dominus etiam cum inestimabili claritate ipsi apparuit in qua nullius creaturæ forma fuit, et iterum post peccatum deambulans in paradyso, in flamma ignis apparuit.

## QUÆSTIO V.

*Quid est hoc, quod Deus dixit: « Ecce Adam quasi nus ex nobis factus est, sciens bonum et malum? » (Gen. iii.)*

## SOLUTIO.

Hoc tale est: Adam per scientiam boni et mali aliquid commune nobiscum habuit; sed bonum in scientia boni deseruit, malum in scientia mali, cum gustu vetiti ligni elegit. Et iterum Adam a nobis

alienatus, quia bonum quod prius experimento cognovit, per consilium serpentis contempsit, et per gustum delectationis, malum prius inexpertum, illi consentiendo, perfecit. Et iterum dicit: *Vide te forte sumat de ligno vitæ, et vivat in æternum (ibid.).* Hoc Deus ideo dicit, quia in magna misericordia super opus suum, scilicet hominem qui peccaverat, movebatur, ne ipse a gloria sic mutatus, miserabiliter in æternum viveret; et eum hoc modo, quemadmodum pater filium suum, qui ab eo discedere vult, ad se misericorditer traxit. Ipse enim hominem, quem indumentum Verbi sui præscivit, valde diligebat; nam etiam omnem creaturam ad servitium suum creavit, et eum in locum, unde ille lucidus velut cadaver in mortem cecidit, deputabat.

B

## QUÆSTIO VI.

*Quales oculi primis parentibus aperti sunt, cum ante peccatum ambo viderent. Unde dicit: « Vidi mulier lignum, etc. » (Gen. iii.)*

## SOLUTIO.

Primi parentes ante originale peccatum (anima per innocentiam corpori dominante) spirituales oculos habebant. Sed ipsis post peccatum spirituali visione eorumdem oculorum privatis, atque per conditionem peccati mortalibus effectis, carnales oculi aperti sunt, ita quod per scientiam mali, opera peccatorum videndo et cognoscendo, secundum desideria carnis, diabolo suadente, faciebant. Sie etiam omnem gloriam quam prius habuerant, ita obliuioni tradiderunt, quod vix aliqua eorum recolabant, sicut homo qui rem aliquam de longe conspicens, vix considerare potest quid sit, et sicut etiam umbra pertransit, quæ in speculo videtur.

## QUÆSTIO VII.

*Quid est quod Dominus dicit ad Noe, et ad filios eius: « Sanguinem animarum restrarum requiram de manu cunctarum bestiarum, et de manu hominis? » Et paulo post: « Quicunque effuderit humanum sanguinem, effundetur sanguis ejus? » (Gen. ix.)*

## SOLUTIO.

Deus post novissimum diem in resurrectione per indumentum hominis de manu, id est de mobili natura cunctarum bestiarum sanguinem animarum Noe et filiorum ejus, ac totius humani generis D (qui sedes animæ est) requiret; quoniam ipse non vult, ut anima alio corpore aut sanguine induatur, nisi illo quod ipsa calefecit, et qui sedes ipsius fuit. Ipse enim in potentia præscientia sua, qua hominem de limo terræ, spiraculum vitæ, quod anima est, eum carne et sanguine formandum, ut eum postea formabat, præscivit, in eadem præscientia sua, eum etiam resurrectum, requiret. De manu etiam hominis sanguinem animarum requiret; ita scilicet, ut homo ille, qui proximum suum comprimendo, animam suam emittere facit, per macerationem carnis et sanguinis sui in penitentia, cum morore plangentis vocis ad Deum creatorem suum semper clamet; quoniam animam illius quam ipse creaverat, vulneribus mortis exire ceget. Quicunque

autein effuderit sanguinem humorum, hoc quasi pro vano dicens, sine labore amissi sudoris, super hunc judicium Dei, vel per ferrum, vel paupertatem, vel divitiarum suarum amissionem, et si non super eum, qui reus sanguinis factus est, super filios tamen ejus et nepotes judicetur.

## QUESTIO VIII.

*Qualia corpora habuerunt angeli, qui apparuerunt Abraham, quibus similam, vitulum, butyrum et lac apposuit, et comedenterunt? (Gen. xviii.)*

## SOLUTIO.

Tres angeli, qui apparuerunt Abraham sedenti ad ostium tabernaculi, in humana forma apparuerunt, quia sicut ab homine, nullo modo videri possunt. Immutabilem quidem spiritum mutabilis homo videre non potest, et hoc est ex inobedientia Adae, qui spiritualibus oculis in paradyso privatus, in omne genus humanum cætitatem suam transduxit. Omnis creatura (quod homo est) umbram suam habet, quæ hominem in indeficientem vitam renovandum esse significat. Et sicut umbra hominis imaginem suam ostendit; sic et angeli, qui naturaliter invisibles sunt, per corpora quæ de aere sumunt, eis ad quos mittuntur, in humana forma visibiles apparent, moribus illorum se aliquantulum contemperantes, non angelicis loquelas, sed latibus verbis, quæ posunt intelligere, eis loquuntur, ipsique ut homines comedentes, sed coram cibis evanescit tanquam rūs, qui semper super granum cadens, a calore solis in momento dissolvitur. Maligni vero spiritus, specie cuiuslibet naturæ ad seducendos homines utuntur, ejus creaturæ naturam considerantes, quæ virtus illi comparetur, per quod hominem quem impugnant, superare possint, quemadmodum tentator etiam per serpentem seduxit.

## QUESTIO IX.

*Cur Abraham et Jacob, ille servo, iste filio, preceperunt, ut juraturi, manus suæ sub femoribus eorum ponerent? (Gen. xxiv, xlviij.)*

## SOLUTIO.

Abraham, qui ad præceptum Domini patriam et cognationem suam reliquit, per vulnus carnis suæ (quod signaculum fidei fuit) tanquam glorusus signifer, ad prælium contra vitia pugnaturus processit. Ipse enim per gratiam Spiritus sancti vexillum D sanctitatis præ cæteris portabat, et per finem operum suorum, privilegium summæ sanctitatis obtinuit. Unde in juramento sub femore, sanctam humanitatem Christi præsignavit, qui antiquo consilio omnipotentis Dei, de semine ipsius descendenter per humanitatem suam, consilium antiqui serpentis, hominem liberando destruxit.

## QUESTIO X.

*Quare in speluncam duplice, quam emis Abraham a filiis Heth, sancti patriarchæ tanto desiderio sepe liri voluerunt? (Gen. xxiii.)*

## SOLUTIO.

Per speluncam duplicem, quam in sepulturam Abrahæ sibi pretio comparavit, vetus lex et nova

A figuratur; quia sicut anima in corpore, sic nova lex in veteri latebat, et in his duabus mors, quæ per mulierem subintravit in mundum, seposta ex sancti vero patriarchæ in eadem speluncæ sepeliri desiderabant; quia spiritu prophetæ attracti, sacramentum novæ legis in veteri cognoverunt, ut etiam in virga Aaron, quæ floruit (Nm. xvii), sacramentum Filii Dei in redemptione hominis latebat, quoniam in creatura Creatorem cognoverunt, ut etiam in sacrificio agnorum et arietum Christus passus significabatur.

## QUESTIO XI.

*Fuitne terra ignis, qui Moysi in rubo apparuit, et rubrum non combussit (Exod. iii), vel qui in monte Sinai resplenduit (Exod. xix), vel qui in die Pentecostes B super discipulos in linguarum modum cecidit (Act. ii), vel qui super caput Martini sacramenta celebrantis apparuit?*

## SOLUTIO.

Ignis qui Moysi de medio rubi flammantis, et novi ardoris, visus est, Spiritus sanctus credendus est; scintillæ vero prosilientes, diversarum dona virtutum. Varia quidem hujus ignis apparitio, nequam de superiorum elementorum coruscatione descendit. Sed de igne qui vita est, et qui sibi adherentia non exurendo dissipat, sed vivificando confirmat.

## QUESTIO XII.

*Quid est quod in libro Regum de arca dicitur (III Reg. viii; II Par. v): « In arca non aliud est, nisi tabulae Testamenti; » et in Epistola ad Hebreos legitur: « Post velamentum aliud tabernaculum, quod dicitur Sancta sanctorum, aureum habens thuribulum, et aream Testimenti circumiacet ex omni parte auro, in qua urna aurea habens manna, et virga Aaron, quæ fronduerat, et tabulae Testimenti? » (Num. xvii; Hebr. ix.)*

## SOLUTIO.

Qui dixit, non aliud in arca populo Israelitico in magna veneratione habita contigeri, quam tabernacula Testamenti; ille nec plus in ea esse cognoscebat, nec etiam plus inde scire querebat; Paulus vero, qui ob spiritus sui profundam scientiam, divina gratia revelante, plus alius sapiebat, quid amplius in arca secreti servaretur, plenius edocuit.

## QUESTIO XIII.

*Nunquid vere credendas est Samuelem invocatum pythonissæ evocatus? (I Reg. xxvii.)*

## SOLUTIO.

Saul qui propter peccata sua a Deo reprobatus et derelictus fuit, eventum futuri prælli per pythonissam scire volebat; unde Samuelem a mortuis sibi avocari præcepit, qui ei indicaret quod querebat. Sed hoc nullo modo fieri potuit; quia impossibile esset, ut sanctus et justus homo post mortem mendacium loqueretur, cum nulla fidelis et infidelis anima a corpore soluta, mendacium loqui possit. Animæ namque Samuelis et Saulis æqualem mansiōrem habere non possunt, quia Samuel fidelis amicus Dei fuit, et Saul præceptorum ejus rebellis

**p**rævaricator exstitit. Diabolus etiam hominem per nullius hominis animam decipere potest, sed per formam alicujus creaturæ eum decipit. Saul enim regnum cum vita amisit, quia a Deo recesserat; sicut etiam Adam propter prævaricationem, a glor a paradisi nudatus, filius mortis effectus est; ideoque quod inquirebat apud Dominum, obtinere non potuit..

## QUESTIO XIV.

*Quid est quod Paulus dicit: « Si linguis hominum et angelorum loquar? » (I Cor. xiii.) Quæ sunt linguae angelorum?*

## SOLUTIO.

Angeli qui spiritus sunt, nisi propter hominem verbis rationalitatis non loquuntur; quoniam linguae eorum sonans laus sunt. Homo enim, qui omnia quæ sonant, per sonum eorum cognoscit, jucunditatem cordis sui in sono vocis, quam cum spiramine animæ levat, ostendit.

## QUESTIO XV.

*Quæ est longitudine et latitudine, et sublimitas, et profunditas, quæ Paulus optat Ephesios (cap. iii) comprehendere cum omnibus sanctis?*

## SOLUTIO.

Per longitudinem istam, divina essentia, quæ sine fine et initio est, intelligitur; quoniam ipsa ab opere suo, quod initium habet, in nulla ascensione nullius scientiæ comprehendi potest. Per latitudinem vero, infinita potestas Dei significatur, quæ a nullo incœpit, et quæ proficiendo non augetur, nec desificiendo minuitur. Per sublimitatem namque claritas sancte divinitatis, quæ nunquam clarescere incœpit, et cuius fulgor nunquam transibit, accipienda est. Per profundum autem designatur, quod Deus in his tribus prædictis viribus contra abyssum æquilonis, qui in potestate sua sunt, et qui nequamquam ei resistere valent, pugnat, in cuius claritate omnes sancti comprehenduntur, qui eum amaverunt, et cum eo in bona perseverantia ministerii sui, cum fide et operibus perstiterunt.

## QUESTIO XVI.

*Quid est quod Apostolus dicit: « In ipso vivimus, movemur et sumus? » (Act. xvii.)*

## SOLUTIO.

In ipso cum elementis movemur, quibus ita uti-  
mūr, quod omnia, quæ ad usum nostrum per-  
tinent, ab eis querimus; in ipso etiam illuminati, et  
per spiraculum vitæ vivificati vivimus, per quod  
eum Deum et Creatorem nostrum esse cognosci-  
mus. In ipso etiam sumus, quia finem vitæ in  
anima, qualiacunque merita ipsius sunt nunquam  
habebimus, per quam cum omni sensualitate nostra  
cum elementis et in elementis, sicut ventus vola-  
mus et movemur.

## QUESTIO XVII.

*Quid est, quod idem dicit: « Nocte et die in pro-  
fundo mari fui? » (I Cor. xi.)*

## SOLUTIO.

Paulus labores suos attendens, verba ista in

A merore dixit, per ea ostendens, quod ex permissione Dei in ærumnis et laboribus fuit, quasi in periculis tempestatum et fluctuum maris, quod nunquam inundare cessat, esset. Dens etiam voluit, ut per tenebras deceptionis diaboli fatigaretur, et quod magna in quiete infirmitatem temperaretur, quæ tamen ab ipso confortatus, fideliter et patienter passus est.

## QUESTIO XVIII.

*Quid est quod dicit: « Ego minimus apostolorum, cum plus omnibus laboraverit? » (I Cor. xv.)*

## SOLUTIO.

B Paulus se minimum vocal; quia cum Christo, qui sine peccato in humana forma apparuit, ut cæteri discipuli, non erat; et quia etiam per Filium Dei in spirituali visione, cum anima ejus nec pleniter in corpore, nec pleniter extra corpus esset, ad filium, quæ nunquam discere, nec scire desiderabat coactus est.

## QUESTIO XIX.

*Quid est quod dicit: « Omne peccatum, quodcumque fecerit homo, extra corpus est; qui autem fornicatur in corpus suum peccat? » (I Cor. vi.)*

## SOLUTIO.

C Omne peccatum quod homo cum sensualitate per volantem scientiam suam, diabolo suadente, in alium hominem operatur, diabolica arte agitur, quæ discordiam inter homines, eos ad iram et odium incitando seminat; et ideo illud extra corpus est; qui autem in calore carnis suæ cum incesto desiderio in venis et in medullis motus per fornicationem, se ipsum tardi incitat et vulnerat, quousque fessus fuerit, ille in corpus suum peccat.

## QUESTIO XX.

*A die resurrectionis usque ad diem ascensionis, quando Dominus inter discipulos non erat, ubi suisse credendus est?*

## SOLUTIO.

D Deus qui per humanitatem suam apud nos visibiliter manendo, totam terram miraculis suis replevit, post resurrectionem suam per illos quadraginta dies eadem humanitate sua, quæ de Spiritu sancto conceptam ex Maria Virgine sibi assumpsit, omnia elementa, quæ per prævaricationem primi hominis immunditiam contraxerant, mundavit. Animæ quoque sanctorum et salvandorum, quas multitudine angelorum comitatus cum victorioso vexillo potestatis suæ captivas de inferno redemerat, in aere, ubi omnia sanctificavit secum manebant.

## QUESTIO XXI.

*Quid est quod de Domino scriptum est: « Et ac-  
cesserunt angeli, et ministrabant ei? » (Math. xv.)  
In quo ministraverunt, vel quale ministerium exhi-  
buerunt ei?*

## SOLUTIO.

Cum diabolus se a Christo ita separatum cognovit, ut nulla suggestione eum tangere posset, iung

cum reliquit, et ab eo fugiebat, ut homo ab ini-  
mico suo, a quo occidi timet, fugit; et mox an-  
geli in laudibus miraculorum sanctæ divinitatis so-  
nabant, quoniam humanitas, quæ in protoplastis  
devicta fuerat in paradiſo, in Christo homine, om-  
nia diaboli tentamenta victoriouse superavit, et ita  
Ipsi uni, quem Deum et hominem esse sciebant,  
ministrabant.

## QUESTIO XXII.

*Cum novæ animæ de nihilo noviter creatæ, pro-  
eidentia Creatoris, in uteris matrum corpusculis  
parrulorum infundi credantur, qua ratione origina-  
lis peccati maculam contrahunt, et qua justitia pu-  
niuntur?*

## SOLUTIO.

Sicut vas figuli, quod veneno perfusum est, om-  
nia que in illud inuituntur, cum periculo immundi-  
tiae inscit: sic omnis caro hominum, per carnem  
primi hominis commaculata et infecta existit, nisi  
per mundam carnem Filii Dei, quam ex Maria Vir-  
gine induit, in baptismo et poenitentia mundetur.  
Anima enim ex forma, quam Deus in utero matris  
ad hoc format, ut spiraculum vitæ ad hoc mittat,  
per consilium serpentis, quo primus homo deceptus  
est, peccati maculam, pro qua punitur, sibi contra-  
bit, quæ per antiquum consilium sanctæ divinitatis  
in Filio Dei per fidem et baptismum ablutitur. Qui  
autem cum fide et baptismo carnalia desideria omni  
studio perfecerit, et ad hoc poenitentiam non agit,  
ille cum his (qui per Christum redempti non sunt) C  
in perditione manebit.

## QUESTIO XXIII.

*Cum Dominus in Evangelio de seipso dicat:  
«Ego ex Deo processi et veni (Joan. viii); » et de  
Spiritu sancto dicatur: « Spiritus, qui a Patre pro-  
cedit (Joan. xv), inter processionem Filii et proces-  
sionem Spiritus sancti, quæ differentia est, ut ille  
dicatur Filius, quod dici non debet, nec recte dici  
potest Spiritus sanctus? Inter generationem Filii et  
processionem Spiritus sancti quæ distinctio, cum  
utraque ex parte sit?*

## SOLUTIO.

Pater meu, potestas est. Et ego sonans Verbum  
suum, ab eo processi, quando omnes creature per  
me creavit: et Spiritus sanctus ab ipso, scilicet  
Patre meo, processit; quoniam ego in uterum Vir-  
ginis, cuius caro serpentina deceptione vulnerata  
non est, descendebam, et humanitatem ex ipsa, de-  
eodem Spiritu sancto conceptam, indui. Igneus  
enim Spiritus sanctus, qui ignea vita et vera ac-  
censio et æqualis vita in æternitate est, et per quem  
omnes formæ quæ per Filium Dei formatæ sunt,  
invisibiliter moventur; in virginem, quæ creature  
est, a patre processit: uterumque illius igne suo  
ita accendebat, ut ipsa per eum imprægnata, Verbum  
Dei (per quod omnes creature factæ sunt) sine  
carnali patre genuerit. Sicut enim forma hominis  
videtur, et anima ejus carnalibus oculis videri non  
potest, et tamen in duabus naturis unus homo est;

A sic Filius Dei, qui in utero Virginis de Spiritu san-  
cto conceptus, homo factus est, in humanitate sua  
ab omni carne videbatur, et in deitate sua invisi-  
bilis est, et etiam in duabus naturis, scilicet huma-  
nitatis et deitatis sex, unus Deus existit.

## QUESTIO XXIV.

*Quid est quod Paulus dicit, se in paradiso, et  
usque in tertium coelum raptum, nescire sive fuisse cor-  
pore, sive extra corpus hoc factus sit, utrum et  
corpo, cum anima ejus ad ista reperetur, existat,  
an in corpore manens, et illud vivificans ad ista  
pervenit? (1 Cor. xiii.)*

## SOLUTIO.

Paulus in extasi, per rationalem animam, quo  
Christus eam vocabat, volabat, ut homo, qui dor-  
mit, in multis per somnia circuit; illa tamen, quod  
ipsa interim sanguinem in carne illius calefecit, ne  
per frigus coagulatus exsiccatur, quemadmodum  
sol, qui in altitudine stat, per vires suas cum splen-  
dore suo a longe lucet et ardet. Ipse miracula fir-  
mamenti, ut Deus illud constituit, consciendo pe-  
netravit, et ipse etiam usque ad tertium coelum, id  
est usque ad claritatem suam illam raptus est,  
quæ de claritate (quæ sancta divinitas est) fulminat,  
et in qua beatæ animæ requiescent, et ibi tantam  
fortitudinem a Deo suscepit, qua nequam ultra  
dubitare potuit; sed ubi sancta divinitas ardet, et  
ubi angeli, qui ut fulgor solis sunt; et ubi etiam  
alii angeli, qui ut splendor ignis apparent, qui im-  
mutabilem Divinitatem, quæ sine initio et sine fine  
est, intuentur, non venit; quoniam ea quemadmo-  
dum aquila superiorem ignem suffere non posset.  
Ipse etiam in splendorе angelorum, qui cum homi-  
nibus officia sua faciunt, in paradisum venit, ubi  
omnia arcana, quæ per animam videntur, pleniter co-  
gnovit, et ea corpore ita sensit, ut sciret in scientia  
sua, illa homini importabilita esse, qui cunctis est, et  
ideo omnibus prophetis sapientior existit, quorum  
prophetia, quam in umbra videbant, mellis apum,  
quod ad multas utilitates multiplicatur, similis fuit.  
Omnia namque quæ anima videntur, corpore sensit;  
unde in dubio dimisit, utrum illa in corpore, an  
extra corpus videret; et ideo etiam omnia verba  
illius, profunda et acuta, et chalybi similia sunt.  
D Deus vero, mox ut anima in corpus suum reversa  
resedit, eum valde dombat; quoniam feroes mo-  
res habuit, ne in proprietate sua diceret, quæ ad  
altitudinem sancti non pertineret.

## QUESTIO XXV.

*Gratia Dei et liberum arbitrium quid habent com-  
mune, quid proprium?*

## SOLUTIO.

Liberum arbitrium in anima est, quæ spiraculum  
a Deo existit, et quam Deus ad formam facturæ  
sua creat, et per quam homo se Deum habere sen-  
tit, sive fidelis, sive infidelis, in quacunque pro-  
fessione vel opinione sit, qui in scientia sua malum  
eligendo, ad illud se declinat, quemadmodum Adams  
fecit, qui præceptum Duci scivit, et per consilium

serpentis ad malum declinavit (*Gen. iii.*). Gratia Dei et liberum arbitrium hoc commune habent, quod homo in scientia boni et mali, utrumque et bonum et malum ad operandum eligere potest; et quod per proprietatem liberi arbitrii secundum gustum et desiderium carnis, quæ nunquam coactus dimittere potest, elegerit, hoc diabolo adjuvante perficit, et quod secundum voluntatem animæ elegerit hoc gratia Spiritus sancti adjuvante perficit.

## QUÆSTIO XXVI.

*Quomodo intelligendum est quod dicitur: « Omnia in pondere et mensura et numero constitutissi?» (*Sap. xi.*)*

## SOLUTIO.

Deus omnia tabernacula corporum nostrorum in recta mensura ita constituit, ut nullum eorum illos qui in ipsis habitant, pondere et latitudine excedant, ut etiam sol, luna, ignis, aer, aqua, terra, in firmamento æquale pondere, numero et mensura constituta sunt, et ut homo, qui omnis creator est, in recta mensura consistit, quia omnia membra ejus per animam ita impleta sunt, quod ipse, quandiu anima in eo est, nec arescere, nec desiccare potest. Superbia vero, quæ super omnia, quæ Deus constituit, volat, et quæ Dominum spernit, nec eum cognoscere, nec adorare vult; et quæ de omnibus creaturis exsul cadit, mors est, et nullam rectam mensuram habet, quoniam omnia, quæ Deus in providentia et sapientia sua recte disposuit et constituit, dispergit.

## QUÆSTIO XXVII.

*Quæ, et qualis est harmonia illa elementorum, de qua dicitur: « In se elementa dum convertuntur, sicut in organo qualitatis sonus immutatur, et omnia suum sonum custodiunt?» (*Sep. xix.*) Numquid ad hoc pertinet, quod Dominus dicit: « Et concentum cœli quis dormire faciet?» (*Job xxxviii.*)*

## SOLUTIO.

De torrente itinere superioris ætheris, per quem firmamentum evolvitur, sonus elementorum jucundus et gloriōsus existit, ut etiam symphonialis vox spiritus hominis, dulcis est in vita sua; quia unumquodque elementum, secundum quod constitutum est a Deo, sonum habet, qui omnes sicut sonus chordarum et citbaræ in unum conjuncti sonant. Concentus vero cœli ad harmoniam elementorum, quæ cum homine communabuntur, non pertinet; ut etiam sol, qui in firmamento positus est, mundo isti, et non summo cœli lucet.

## QUÆSTIO XXVIII.

*Quomodo intelligendum est: « Fons ascendebat de terra, irrigans universam superficiem terræ?» (*Gen. xxii.*)*

## SOLUTIO.

Ex præceptio Dei, fons in terra voluptatis ascendebat, qui eam cum omnibus fructibus suis abeque diversitate commutationis (ut primum a Creatore constituta est) irrigat, quia ipsa vicissitudinem

Aestatis et biemis et aliarum tempestatum, quæ in terra nostra sunt, et quæ instabilitibus moribus hominum similes sunt, non habet. Sicut enim per splendorem solis luna oblegitur; sic et in splendore claritatis hujus immutabilis terræ, sol, luna et stellas obnubilantur, in qua nihil est, quod mortale sit, et quæ etiam nihil mortale recipit; et si aliquid in eam veniret, quod mortale esset, hoc per vires velut per aquam morte suffocaretur. Terra autem, in qua ardor solis tantus est, quod guttas pluviae, sicut magnus et fortis ignis guttas aquarum, quæ in eum funduntur, calore suo explicat, per aquam irrigatur, quæ de fonte, qui in paradyso ascendebat, fluit, et qui stabilem ascensionem sanctorum virtutum, quæ per ignem Spiritus sancti accessisse sunt significat.

## QUÆSTIO XXIX.

*Cum Enoch (*Gen. v.*) et Elias (*IV Reg. ii.*) in terreno paradyso corporaliter translati esse credantur, nunquid in loco tanta felicitatis corporeo cibo et induimento egere credendi sunt? X*

## SOLUTIO.

Deus in providentia sua de Enoch et Elia ordinaverat, quod in loco illo esse deberent, ubi nec cibo, nec potu, nec etiam vestitu indigerent, et sic omnis qui in miraculis Dei raptus fuerit, quandiu in illis moratur, istis quæ mortalibus adsunt, non utitur.

## QUÆSTIO XXX.

*Quid est quod de Jonatha dicitur, cum comedisset de melle, illuminati sunt oculi ejus? (*I Reg. xiv.*)*

## SOLUTIO.

Jonathas, pingui et fructiferæ terræ, quæ per aratrum facile evertitur, et quæ etiam in aratra sape utilles herbas germinat, similis erat, quoniam mitis in moribus suis fuit, et non in judiciis; quo vera et justa erant, sine ira et sine odio libenter affirmabat. Quicunque enim tales mores habet, illius humores per omnes cibos, quibus reficitur, in cerebro, in venis, et in medullis sani et optimi sunt, quoniā in ipso per melancholiā, ira et tristitia cum vicissitudine diversorum morum non surgunt, quoniam donum Dei illa adest, et cum quemadmodum ros super quod cadit, germinare et virescere facit. Qui autem per melancholiā infirmatur, hic duræ terræ, quæ vix per aratrum evertitur similis est; quoniam in moribus suis iram, tristitiam et contradictionem omnis justitia habet, nisi per naturam animæ sibi metipsi semper resistat, nec etiam laetitiam in operibus habere potest. Sed qui prædictos mores habet, ille in omnibus operibus suis benevolus est, et per cibos caro et sanguis illius crescent, et ipse per eos confortatur, et etiam Jonathas, cujus oculi præ imbecillitate corporis qui prius turbidi erant, acutum visum receperunt, quando per gustum mellis quod per aerem qui super eo volavit, maiores vires alio melle habuit, confortatus est.

## QUESTIO XXXI.

*Cum ex corde humano cogitationes mala frequenter excent (Matth. xv), quomodo sciri potest, quæ ex corruptione nostræ pravitatis oriuntur, vel quæ malorum angelorum immissione (Psal. lxxvii) moveantur?*

## SOLUTIO.

*Cogitationes, quæ ex primo originati peccato cordibus hominum ita infixa sunt, quod ipsi per eas in carne et sanguine et in veris suis ad delectationem moventur, ille humanæ sunt; sed aere cogitationes, quibus homines in cordibus suis habere optant, et seire desiderant quæ impossibilia sunt, quia fieri non possunt, ille vanæ sunt; quoniam undique ut aer inutiliter volant. De ipsis quoque cogitationibus scriptum est: *Dominus scit cogitationes hominum, quoniam vanæ sunt* (Psal. xciii). Quid dicitur? Homo, qui per rationalitatem volat, et qui ea scit, quæ cum experimento, videndo et tangendo cognoscit, semper illa occulta, quæ ad animam pertinent, et quæ præ corporali sensibilitate comprehendere non valet, scrutatur. Male autem cogitationes, quæ ex diabolica arte homini immissæ, ex corde et ore ipsius excent, esca diaboli sunt, quoniam ipse per eas animas (sicut homo in ventrem suum escam) deglutit, cum eas in deceptione sua, per infidelitatem Deo et præceptis ejus contradicere facit et eum sic de ipsis expoliat, licet multi per sancta opera et per puram fidem cum Deo persistentes, ipsum per gratiam Dei fortiter superent.*

## QUESTIO XXXII.

*Nunquid spiritualibus oculis corporalia videntur, et e diverso corporalibus oculis aliqua spiritualia cognoscuntur? (II Cor. iv.)*

## SOLUTIO.

*Spirituales oculi, scientia rationalis animæ sunt, qui nequaquam corporalia, ut sunt, videre possunt, sicut etiam cæcus exterioribus oculis non videt, sed quod tantum per auditum, quæ videntur, intelligit et cognoscit. Corporales etiam oculi possibiliter non habent, ut spiritualia perfecte intueantur. Sed ut forma hominis in speculo, in quo nou est, videtur; sic homo ea, quæ spiritualia sunt, per auditum verborum in fide videt et cognoscit. Nullus enim spiritus, sicut in natura sua est, homini apparere potest, quia ipse vivens spiraculum a Deo est, et qui tunicam suam, scilicet corpus, vivificando confortat, et cum eo operari non cessat, qui etiam cum ab eo discesserit, vel in lumine beatitudinis, vel in tenebris postiarum erit.*

## QUESTIO XXXIII.

*Ignis gehennæ corporeus est, an incorporeus? Si autem (ut sentiunt multi fideles) corporeus est, nunquid de materia quarta elementorum credendus est?*

## SOLUTIO.

*Nequaquam. Quia nec illis de his elementis, nec hic ignis ab illo, et ille invisibilis. Corporales et spirituales pœniae æquales non sunt, ut etiam corpus*

*A animæ dissimile, et ut anima corpori æqualis non est, quia ex corporalibus pœnis corpus arescit et moritur, et in spiritali igne gehennæ sp̄ritus et animæ torquentur, nec tamen in ipsis moriuntur. Ignis quoque purgatorius, in quo salvanda animæ vivunt et puniuntur, de igne gehennæ accensus non est; sed per judicium Dei, secundum peccata hominum surgit, de quo multi in extasi facili, valde obstupuerunt.*

## QUESTIO XXXIV.

*Sancti in celo, et impii in inferno, nunquid sciunt ea quæ aguntur in terris?*

## SOLUTIO.

*Sancti qui in cœlesti patria sunt, omnia quæ in terris geruntur, scient: quoniam vel in judicio Dei, vel in sonantibus laudibus angelorum, omnia quæ in terris aguntur, coram Deo apparent. Impi etiam qui a peccatis suis nunquam cessabant, nec ea per penitentiam emendabant, ex irrisione quæ sequaces suos derident, ea quæ mala sunt, cognoscunt; et ex ululatu quo super beatos, qui eas non sequuntur, ululant, ea, quæ bona sunt, intelligunt.*

## QUESTIO XXXV.

*Parabolæ, quæ in Evangelii multifarie referuntur, sicut est de eo, qui incidit in latrones (Luc. x.); de rege, qui fecit nuptias filio suo, de decem virginibus (Matth. xxii, xxv), et alia, nunquid secundum rei gestæ veritatem configurunt, an tantum ad ostendendum aliud sola similitudine propounderunt?*

## SOLUTIO.

*Christus parabolæ suas hominibus proposuit propter spiritualia vitiis, quibus sepe falluntur, et etiam propter virtutes, quibus contra illa victoriosa pugnant, quatenus per eas cognoscerent, quia ipse pro malis eos judicaret, et pro bonis premia daret.*

## QUESTIO XXXVI.

*Cum secundum animam Abraham et Lazarus in refrigerio, et dives sit in inferno, quid Abraham sis, quid Lazari digitus, et quid lingua divitis credenda est? (Luc. xvi.)*

## SOLUTIO.

*Sinus Abrahæ obedientiam, quam per immolationem filii sui et circumcisione Deo exhibuit (Gen. xxii, xviii), significat quia obedientia omnia bona conservat et sustentat, ut etiam sinus quæque congregata continet. Et digitus Lazari, ministeriorum obedientiæ (quæ materia præceptorum Dei est) intelligitur, quia ipsa omnia bona docet, ut etiam homo digito suo, quæ vult, ostendit. Lingua autem propriam voluntatem designat, quæ convivia carnalium desideriorum profert; quia ut per gustum lingue omnes cibi, quales sint, discernuntur, ita et per eam voluntas hominis cognoscitur.*

## QUESTIO XXXVII.

*Quid specialis meriti, significat, quod, sicut in libr. Gregorii Turonensis episcopi incenit,*

*Sanctus Martinus toties in specie ignis ostensus A vigilantibus visibiles fuit, in quo vel quali corpora veniunt?*

## SOLUTIO.

Deus omnipotens, qui amor et fortitudo existit, animam beatí Martini Ignea effusione Spiritus sancti perfuderat, et ideo propter merita humilitatis, pietatis et misericordiae, quibus Deum vivum in contrito corde semper inspexit, toties in igne apparuit.

## QUESTIO XXXVIII.

*In quali corpore B. Nicolaus, vigilantibus nautis et dormientibus, tam Constantino quam praefecto apparuit, cum id in proprio corpore non fecerit? Sed et Petrus et Paulus et ceteri sancti, quorum corpora in terra sepulta sunt, cum dormientibus vel*

## SOLUTIO.

Si ista spiritualis visio hominibus non apparet, eam non intelligerent, quid esset, nec etiam ei crederent, quoniam ipsi in duabus naturis corpus et spiritus sunt. Forma Dei, scilicet homo, cuius altera pars mutabilis, et altera pars immutabilis est, immutabilem spiritum nunquam videre posset, nisi in mutabili forma appareret; quoniam forma mutabilis non nisi per spiritum vivificatur; sicut etiam cornu per sonum, et non per se, sonat. In bona enim intentione, quam Deus in sanctis hominibus istis significaverat, bonæ etiam intentioni hominum istorum respondebat, sicut etiam homines signa firmamenti inspicunt.

## REGULÆ S. BENEDICTI EXPLANATIO.

(Bibl. Patr. ed. Lugd., XXIII, 590.)

## CONGREGATIO HUNNIENSIS COENOBII HILDEGARDI.

*Petunt interpretationem Regule S. Benedicti.*

Templo Spiritus sancti et reverendæ ac Deo dilecta spouse Christi HILDEGARDI, et sororibus de S. Roberto in Pingis magistræ exoptatis, tota concors congregatio Hunniensis coenobii, cum bonorum operum humilitate et instantia, æterna sublimari gloria.

Gratiæ revealantia opinionis vestræ tanquam paradisiæ narcissi inæstimabili flore respersi, neque adeo delectamur, ut cum Apostolo dicere cogamus: *Gratias ei qui semper triumphat in nobis, in quibus odore nostris notitia suæ manifestat in omni loco (II Cor. 11).* Contemplantes enim totam compagm universi corporis Ecclesie, in qua unus Spiritus dividit singulis prout vult (I Cor. 1), ejus exuberantiam in vestras sanctitatis excellentia congaudemus effluire. Quia igitur vos post tempora apostolorum, quasi quoddam speculum divinitate pietatis contemplamur, ideo in necessitatibus articulo tanquam ad firmissimum inexpugnabilem municipii asilum confugientes, consilio et orationibus vestris ut nobis succurratis, deprecamur. Ordo quippe noster, licet per omnia simus nobis dissimiles, per vos honoratur et beatificatur. Itaque relatum est nobis de operibus vestris, quoniam breviter et lucide Ecclesiæ filiis, tanquam desiderabiles divitias contulisti, et quia nec hoc dono caretis, pedibus sanctitatis vestræ convolvi, omnes in commune petimus pietatis vestræ almitatem, ut aliquid super Regulam B. Benedicti Patris nostri memoriale vestrum relinquatis admodum nobis

B necessarium. Dicimur enim mendaces, perjuri, prædictæ Regule transgressores, synodaliumque decretorum contemptores. Quod ideo maxime evanit, quia quisque prælatorum nostrorum pro libitu mentis sue tam instituta canonum, quam Regule, despicit, ut dum ipsi sibi sunt lex, secundum ejusdem Regule testimonium, quod volunt, hoc dicunt sanctum et justum; et quod volunt, hoc putant non licere. Unde fit, quod omni vestro doctrina circumferamur (Eph. iv), et valide præsumptionibus hominum aggravamur. Quas et B. Pater Augustinus abhorrens, de eis sic religionem nostram, quam paucissimis et manifestissimis celebracionum sacramentis, misericordia Dei voluit esse liberam, adeo servilibus oneribus premunt, ut tolerabili sit conditio Iudeorum. Quiquamvis veræ libertatis tempus non cognoverunt, regalibus tamen sacramentis, non humanis præsumptionibus sufficiuntur. Pretiosius itaque opibus Croesi, imo totius mundi gazis opus charius exhibebitis si petitioni nostræ in hoc admodum universis claustris necessariae sategeritis. Si enim totam S. Scripturam exponeretis, nihil tam utile, tam charum nobis exhibere possetis. De reliquo orate pro nobis, ut Spiritu S. nostra collecta societas nulla unquam hostilis fraudis machinatione disturbetur. Si qui cœpit in nobis bonum opus, perseverare in nobis dignetur in beneplacita sibi operatione. Valeat materna dilectio vestra.